



Broj: 01/6-50-1-32-21/05
Sarajevo, 15.09.2005.

Z A P I S N I K
21. sjednice Komisije za saobraćaj i komunikacije,
održane 15.09. 2005. godine

Sjednica je održana 15.09.2005.godine s početkom u 13,00 sati.

Sjednici su prisustvovali članovi Komisije:

- | | |
|-------------------------------------|---------------------|
| 1. Miloš Jovanović, predsjedavajući | 6. Izet Hadžić |
| 2. Muhamed Moranjkić | 7. Milorad Živković |
| 3. Ivo Lozančić | |
| 4. Selim Bešlić | |
| 5. Adem Huskić | |

Sjednici nisu prisustvovali: Nenad Mišić i Ruža Sopta.

U ime Vijeća ministara BiH sjednici su prisustvovali: Branko Dokić, ministar komunikacija i transporta BiH, Jasenko Šehanović, predstavnik CIPS-a, Željko Brčkalo, službenik Ministarstva komunikacija i saobraćaja BiH. Kao predlagач amandmana sjednici je prisustvovao poslanik Momčilo Novaković. Sjednicu su pratili: Tarik Zaimović, predstavnik, UNDP-a i Michael Haner, predstavnik OHR-a. Sjednici je prisustvovao i privremeni sekretar Komisije Ahmed Jalović.

Predsjedavajući Miloš Jovanović predložio je sljedeći

D N E V N I R E D

1. Verificiranje zapisnika 20. sjednice, održane 30.08.2005.godine.
2. Prijedlog zakona o Agenciji za informaciono društvo Bosne i Hercegovine, predlagач Vijeće ministara BiH,
3. Ostala pitanja.

Dnevni red jednoglasno je prihvaćen.

Ad. 1.

Uz prihvaćenu primjedbu Milorada Živkovića da je opravdano odsustvovao sa 20. sjednice, Komisija je jednoglasno verificirala Zapisnik 20. sjednice, održane 30.08.2005. godine.

Ad. 2.

Predsjedavajući je upoznao prisutne da je na 20. sjednici Komisije usvojen zaključak o produženju roka komisijske faze za Prijedlog zakona o Agenciji za informaciono društvo Bosne i Hercegovine, nakon čega je otvorio diskusiju o principima Zakona.

Muhamed Moranjkić je istakao da je na prošloj sjednici Komisije dogovoreno da predstavnici predlagača Zakona dostave prijedloge kojima bi se otklonile uočene nejasnoće u Prijedlogu zakona, ali da do danas ništa nije dostavljeno članovima Komisije.

Momčilo Novaković je ukazao da nije uobičajeno da o principima Zakona raspravlja neko ko nije član Komisije, ali se suština njegovih amandmana odnosi na ulogu Agencije, jer je predviđeno da je Agencija radno-operativna, a on smatra da Agencija treba brinuti o razvoju informatičkog društva. Mišljenja je da se formiranje posebnog Savjeta Agencije tiče principa, te da je ovakva Agencija mnogo veća nego što realno treba biti, jer ovakve agencije trebaju biti u entitetima. Naglasio je da je potrebno da se Agencija odvoji od CIPS-a, kako bi vodila razvoj informacionog društva, a ne da se pretvara u operativni organ.

Adem Huskić smatra da je potrebno da se predstavnici OHR-a aktivno uključe u raspravu, podsjetivši na situaciju u vezi sa Zakonom o saobraćaju i dopis OHR-a koji su uputili u vezi tog zakona.

Milorad Živković je istakao da agencije opterećuju budžet BiH i zadiru u djelokrug entiteta, što dovodi do nezadovoljstva u entitetima. Naveo je primjer Agencije za veterinarstvo koja donosi akte u suprotnosti sa Zakonom o veterinarstvu, kao i da ima zloupotreba kod izdavanja dozvola za rad udruženja.

Selim Bešliagić smatra da treba prvo glasati o principima Zakona, a da prije razmatranja amandmana predstavnici Ministarstva komunikacija i transporta treba da daju mišljenje o uložnim amandmanima, a mišljenja je da nema razloga da se ne usvoji amandman Momčila Novakovića o osnivanju Savjeta Agencije.

Branko Dokić upoznao je prisutne da su na izradi Prijedloga zakona od samog početka uključeni OHR i UNDP, te da je ranije usvojena Strategija, politika i akcioni plan razvoja informacionog društva u BiH. U Prijedlogu zakonu vodilo se računa da stvari budu definisane i da se ne prave bilo kakva ograničenja za niže nivoe, nego se naprotiv to podržava. Dalje je istakao, da od svih amandmana jedan zaslužuje posebnu pažnju, a to je amandman poslanika Novakovića koji predviđa osnivanje Savjeta Agencije i da podržava taj amandman. Što se tiče prijedloga da se CIPS odvoji od Agencije, mišljenja je da to zadiru u suštinu Zakona, te da su oko ovog pitanja bila podijeljena mišljenja i u Vijeću ministara, kao i u samoj Komisiji koja je radila na prijedlogu Zakona. Smatra da ima razloga da CIPS bude odvojen od Agencije, kao i da je u Agenciji, ali je bolje trenutno rješenje da je Agencija sa CIPS-om, obzirom da CIPS raspolaže sredstvima potrebnim za razvoj Agencije. Istakao je da se ne opredjeljuje, nego želi da prenese mišljenja sa sjednice Vijeća ministara.

Muhamed Moranjkić je istakao da ministar nije dao mišljenje da li pojedini amandmani zadiru u principe Zakona, te da li bi u slučaju usvajanja amandmana došlo do promjene u konceptu Zakona. Smatra da se sredstva za Agenciju mogu obezbijediti jedino ako je CIPS zajedno sa Agencijom.

Branko Dokić je odgovorio da bi trebalo prvo diskutovati o amandmanima poslanika Novakovića na članove 26. i 28., a da ostali amandmani ne zadiru u principe Zakona.

Milorad Živković je mišljenja da treba raspravljati o principima Zakona, te da je i u Vijeću ministara bilo dilema da li treba razdvajati CIPS od Agencije i da Novakovićev amandman odvaja CIPS od Agencije, što je u suprotnosti sa principima Zakona.

Selim Bešliagić je naglasio da ukoliko bude izvještaj Komisije negativan i ako ga Dom usvoji, pitanje je kad će se Zakon ponovo doći u proceduru i kada će se usvojiti.

Branko Dokić je istakao da kao inženjer smatra da pitanje CIPS-a u Agenciji, ne zadire u principe Zakona.

Michael Haner ukazao je da radi u BiH od 1998.godine, te da je uključen u većinu velikih projekata, te naveo izdavanje tablica za vozila, pasoša, vođenje CIPS projekta, a da trenutno radi na projektu bolje komunikacije policije u BiH. Smatra da mora postojati jedinstveno tijelo na državnom nivou koje će se baviti informacionim društvom u BiH, kao i u drugim zemljama, što se potvrdilo međunarodnom praksom i rezolucijama UN-a, kao i da su i susjedne zemlje BiH krenule u tom pravcu. Po pitanju Zakona smatra da to što radi CIPS-a je najosnovniji elemenat vladine funkcije, da su u CIPS uloženi milioni maraka, da je izgrađena nacionalna infrastruktura sa minimalnim sredstvima, a da su u nju uključeni svi principi međunarodne prakse. Ukazao je da danas Evropska komisija finansira sa 4 miliona eura projekat za boljom komunikacijom policije, koji će biti gotov u februaru 2006.godine i da će se koristiti bez obzira na reformu policije. Ako se odvoji CIPS od Agencije, postavlja se pitanje šta bi radila ta Agencija bez tehničkih sredstava i da Agencija ne bi imala tehničkih sredstava da implementira svoju strategiju. Nije mu jasno šta bi radio Savjet Agencije, te napomenuo u slučaju da se CIPS odvoji od Agencije, morao bi se stvoriti drugi CIPS, odnosno državni sistem mreža, koji ima elemente civilnog društva.

Branko Dokić smatra da je Zakon potreban što prije i da on lično smatra da CIPS treba biti odvojen od Agencije, obzirom da CIPS izdaje dokumente koji zadiru u nivo ličnih tajni, a Agencija mora biti otvorena, što je u suprotnosti. Naglasio je da CIPS ima jedan od najboljih rezultata u okruženju, te treba ostaviti CIPS da radi svoj posao. Naveo je poređenje odnosa Agencije sa CPS-om sa odnosom RTV BiH i Regulatorne agencije za komunikacije, jer ako su zajedno, postavlja se pitanje ko će kontrolisati Agenciju. Smatra da Agencija treba biti krovna institucija koja će voditi računa o razvoju drugih agencija.

Muhamed Moranjković je ukazao da ministar Dokić kada istupa kao inženjer zastupa drugo mišljenje u odnosu na Zakon, te da je trebao neslaganje sa Zakonom iznijeti na sjednicama Vijeće ministara. Smatra da je princip Zakona obezbjeđenje sredstava za rad Agencije, a da CIPS ima sredstva i da ukoliko se odvoji CIPS od Agencije, trebalo bi formirati niz agencija, pa se postavlja pitanje koliko je to prihvatljivo i ko bi to finansirao. Mišljenja je da Agencija treba biti pri Ministarstvu komunikacija i transporta.

Presjedavajući je istakao da ovim zakonom Agencija preuzima neke poslove koji nisu u njenoj nadležnosti i da poslanici iz Republike Srpske neće glasati za ovakav Prijedlog zakona. Predložio je da se predstavnici Ministarstva transporta i OHR-a sastanu i otklone sve nesuglasice oko Zakona.

Branko Dokić odgovorio je predsjedavajućem da je najmanji problem saradnja sa OHR-om, ali da treba tražiti bolje i dugotrajnije rješenje

Adem Huskić je istakao da kao poslanik smatra da treba podržati Zakon koji je u proceduri, čime bi se zadovoljila međunarodna zajednica, uz napomenu da ovakve zakone imaju susjedne zemlje.

Tarik Zaimović upoznao je prisutne da je učestvovao u izradi Zakona, da CIPS i Agencija trebaju biti zajedno, jer ako se pogleda Akcioni plan, Agencija sarađuje sa entitetima i logično je da ta saradnja bude još veća. CIPS unutar Agencije je neophodan zbog tehničkih pretpostavki. Smatra da je većina amandmana izuzetno kvalitetna, a naročito amandmani predsjedavajućeg, ali upozorava da je neprihvatljivo da je CIPS izvan Agencije. Napomenuo je da su ovakve zakone već usvojile zemlje u okruženju.

Jasenka Šehanović je istakao da su Evropska komisija i Vlada SAD donirali CIPS –u opreme u vrijednosti 15 miliona eura, da je oprema donirana za CIPS i Agenciju, da treba govoriti o potencijalu kadrova u CIPS-u, čiji su službenici izradili sve softvere u posljednje tri godine. Smatra da prije konačne odlut treba vidjeti šta je CIPS i da svi u BiH imaju potrebe za podacima kojima raspolaže CIPS.

Muhamed Moranjkić je podsjetio na Poslovnik Predstavničkog doma, pa da bi se izbjeglo usvajanje negativnog izvještaja, predlaže da se produži rok za podnošenje amandmana. Smatra da bi bio veliki pomak da se na II Svjetskom kongresu informacionih društava u Tunisu informiše da je usvojen Zakon. Naglasio je da je ne može prihvatiti da na zvaničnoj sjednici ministar Dokić istupa i kao ministar i kao professor sa suprotnim stavovima.

Branko Dokić odgovorio je da kao predstavnik predlagača nije odstupio od Prijedloga zakona, da su kod svih zakona moguće promjene i da je želio da čuje mišljenja da li prijedlog da je CIPS izvan Agencije zadire u principe Zakona. Naglasio je da su u Komisiji koja je radila na Zakonu bila podijeljena mišljenja o tome i smatra da će kratkoročno Agencija sa CIPS-om prije zaživjeti, a dugotrajno će jedno drugome smetati.

Milorad Živković je istakao da gospodin iz UDNDP-a spominjao zemlje u okruženju i da ne vjeruje da njihove agencije imaju taj djelokrug posla, a da s druge strane nema mišljenja na Zakon od Direkcije za evropske integracije, te da će glasti protiv principa Zakona.

Tarik Zaimović je odgovorio da se u Srbiji i Hrvatskoj podrazumijeva da vlade izdaju dokumente, a da se u Hrvatskoj radi na elektronskoj obradi katastarskih podataka.

Milorad Živković ukazao je da je CIPS projekat pokazao određene slabosti i da je bilo zloupotrebe ličnih karata i pasoša.

Michael Haner je istakao da ako se predlaže postojanje CIPS-a izvan Agencije, mora biti objašnjeno ko bi mijenjao CIPS. Napomenuo je da su donacije koje su došle od strane Evropske komisije i Vlade SAD osjetljive prirode i da će ih obavijestiti o mogućim izmjenama Zakona.

Predsjedavajući je zaključio raspravu i predložio da se produži rok za podnošenje amandmana, kao i da se Ministarstvo transporta očituje o uloznim amandmanima i da dostavi Komisiji prijedloge za rješavanje nejasnoće na koje je ukazano u toku rasprave o pojedinostima Prijedloga zakona, kao i da ukoliko dođe do sporazuma, nije bitno ko će od poslanika biti predlagač amandmana.

Komisija je jednoglasno zaključila da se od Klegija Doma traži odobrenje za produženje roka od 10 dana za podnošenje amandmana na Prijedlog zakona o Agenciji za informaciono društvo Bosne i Hercegovine.

Ad. 3.

Muhamed Moranjkić je istakao da insistira dvije godine da se Komisiji dostavi Protokol bodovanja za CEMT dozvole za 2004. i 2005. godinu sa potpisima članova Komisije za dozvole. Na prijedlog predsjedavajućeg usvojen je sljedeći zaključak:


Da se predsjedavajući Komisije i zamjenici u roku od deset dana sastanu sa ministrom Dokićem, a ukoliko se ne dobiju traženi podaci, da se na sljedeću sjednicu uvrsti tačka dnevnog reda pitanje Protokol bodovanja za CEMT dozvole.

Zaključak je jednoglasno prihvaćen.

Sjednica Komisije završena je u 16,10 sati.

PRIVREMENI SEKRETAR KOMISIJE

Ahmed Jalovičić



PREDSJEDAVAJUĆI KOMISIJE

Miloš Jovanović

